

## DEMANTIJ TELEMACHA: "Nova BiH potpuno nezavisno vodi svoju poslovnu politiku"

Povodom teksta objavljenog 5. januara 2020. godine, na web portalu [www.slobodna-bosna.ba](http://www.slobodna-bosna.ba), pod naslovom: „OVO JE DOSAD NEVIĐEN HARAČ: Hoće li od januara 2020. građanima BiH biti uveden dodatni porez od 10 odsto?“, Telemach je poslao demantij koji prenosimo u nastavku.

Društvo 20. Jan. 2020 0



Dana 5. januara 2020. godine, na web portalu [www.slobodna-bosna.ba](http://www.slobodna-bosna.ba), koji uređujete, objavljen je tekst pod naslovom: „OVO JE DOSAD NEVIĐEN HARAČ: Hoće li od januara 2020. građanima BiH biti uveden dodatni porez od 10 odsto?“

U navedenom tekstu, bez bilo kakve prethodne provjere informacija sa Telemachom ili eventualno kroz uvid u dostupne javne registre, tendenciozno je iznesen/prenesen niz neistinitih navoda, čiji je cilj očigledno nanošenje štete Telemachu kroz narušavanje njegove reputacije na tržištu.

Imajući u vidu gore navedeno, radi pravilnog izvještavanja javnosti i građana BiH, Telemach ovim putem, a u smislu odredbe člana 8. Zakona o zaštiti od klevete podnosi Zahtjev za objavu demanta – ispravku pogrešnih navoda sljedećeg sadržaja:

„Demant na tekst pod naslovom: „OVO JE DOSAD NEVIĐEN HARAČ: Hoće li od januara 2020. građanima BiH biti uveden dodatni porez od 10 odsto?“

Suprotno navodima objavljenim 5. Januara 2020. godine na web portalu [www.slobodna-bosna.ba](http://www.slobodna-bosna.ba) u tekstu pod naslovom „OVO JE DOSAD NEVIĐEN HARAČ: Hoće li od januara 2020. građanima BiH biti uveden dodatni porez od 10 odsto?“, a u kojem se Telemach pokušava da predstavi kao kompanija koja korisnicima namjerava uvesti "dodatni porez od 10 odsto" kroz plaćanje naknade za reemitovanje TV kanala NOVA BH, ovim putem ističemo kako NOVA BH na tržištu BiH posluje kao samostalno pravno lice NOVA BH d.o.o. Sarajevo, te samim tim samostalno i potpuno neovisno od Telemacha određuje svoju poslovnu politiku i komercijalne uslove pružanja svojih usluga.

S tim u vezi, netačne su informacije objavljene u spornom tekstu na web portalu [www.slobodna-bosna.ba](http://www.slobodna-bosna.ba) kojima se pogrešno pokušava predstaviti da Telemach vrši emitovanje ovog kanala, da naplaćuje naknade za emitovanje TV kanala NOVA BH, a posebno da Telemach na bilo koji način pokušava da utiče na RAK da izvrši izmjenu propisa iz svoje nadležnosti koji bi omogućili Telemachu da vrši naplatu za emitovanje bilo kojeg pojedinačnog TV kanala, a s obzirom da se Telemach uopšte ne bavi emitovanjem. Posebno su bespredmetni i maliciozni navodi da Telemach uvodi porez građanima BiH, čime se samo vrši zastraživanje i uzbunjivanje građana i stvara lažna slika da neka privatna firma može da uvede poresku obavezu. Kao što je svima poznato, takvu obavezu može da uvede samo država.

Svim, pa čak i površnim, poznavateljima regulative u sektoru medija i telekomunikacija, jasno je da su navodi iz vašeg teksta potpuno netačni i apsurdni iz ugla sektorskih propisa. Posebno ističemo da je netačnost svih navoda iz Vašeg teksta potvrdila i Regulatorna agencija za komunikacije BiH, čije su ovlaštene osobe izrazile zabrinutost „plasiranjem dezinformacija“ putem Vešeg portala (<https://faktor.ba/vijest/pdpbasio-nije-tacno-da-je-rak-odobrio-telemachu-ubiranje-poreza-od-gradana-bih/65781>). U ovom intervjuu ovlaštenih predstavnika Regulatorne agencije za komunikacije BiH se detaljno pojašnjava sektorska regulativa, naglašava da se u postupanju svih subjekata (Nova BH, te operatera – kako onih koji su prihvatili ponudu, tako i onih koji nisu) nema ništa nezakonito, te je očigledno da se radi o čisto komercijalnim odlukama svakog od poslovnih subjekata, pa nema ni govora o bilo kakvim skandalima koje ste pokušali proizvesti svojim tekstom, koji predstavlja klasičan primjer objave tzv. lažnih vijesti. RAK je to dodatno potvrdio svojim saopštenjem (<https://www.rak.ba/bs-Latn-BA/news/1641>), u kojem je detaljno pojašnjena besmislenost navoda da privatna kompanija uvodi poreske obaveze.

Baš kao i bilo koji drugi operater, Telemach je u konkretnom slučaju samo prihvatio ponudu Nova BH za reemitovanje kanala, te shodno tome zaključio ugovor o reemitovanju kanala NOVA BH, a sve kako bi svojim korisnicima osigurao praćenje programskog sadržaja NOVA BH. Telemach posebno naglašava da cijene svojih postojećih korisničkih paketa nije mijenjao. Kada je u pitanju nova ponuda Nova BH, dodatno i samo usporedbe radi, ističemo da je naknada za reemitovanje koju potražuje Nova BH usporediva ili niža od one koju npr. za reemitovanje paketa kanala RTS ili Pink u BiH zahtjevaju njihovi emiteri, pa je s tim u vezi Telemach ponudu NOVA BH prepoznao kao prihvatljivu i konkurentnu, imajući u vidu kvalitet i dostupnost programskog sadržaja koji se emituje na kanalu NOVA BH, iz kojih razloga smo istu i prihvatili.

Za nanošenje štete prouzrokovane objavom netačnih i tendencioznih navoda obratit ćemo se nadležnim institucijama, kako domaćim tako i međunarodnim.

Pozivamo Vas da tekst demanta objavite na Vašem web portalu u roku od tri dana od dana prijema opvog Zahtjeva.

S poštovanjem,  
Amir Drinić, direktor